

## iGen



YUSERRIE (empat dari kanan) sewaktu majlis memeterai MoU dengan pihak Kedutaan Libya dan PLC di ibu negara baru-baru ini.

# Peluang UMP tambah pelajar Libya

Oleh SAIRUL ZAMRI MISRANI

**D**ALAM usaha menyokong bidang akademik, penyelidikan dan pengantarabangsaan, Universiti Malaysia PAHANG (UMP) merundingkan memorandum persefahaman (MoU) bersama Pejabat Hal Ehwal Akademik, Kedutaan Libya dan Premium Language Center (PLC). Majlis menyaksikan Naib Canselor UMP, Prof. Dato Dr. Yuserrie Zainuddin menandatangani MoU bersama Academic Attaché Academic Office Embassy of Libya-Malaysia diwakili Dr. Altnair Elmahmodi dan Presiden PLC, Northawaty Mansor dalam satu majlis yang berlangsung di ibu negara baru-baru ini.

Menurut Yuserrie, UMP menawarkan sumber dan fasiliti yang menyokong persekitaran pembelajaran, pengajaran, penyelidikan serta kepakaran dalam pelbagai bidang.

"Sehingga kini UMP mempunyai seramai 511 pelajar antarabangsa termasuk 201 pelajar prasiewazah dan 310 pelajar pascasiswazah daripada 33 negara termasuklah 18 daripadanya dari Libya."

"Kolaborasi ini juga bakal memberi peluang kepada lebih ramai pelajar di Libya untuk mengikuti pengajian di UMP," katanya.

Turut hadir ialah Duta Besar Libya ke Malaysia, T.Y.T Mohamed A.M. Attia, Dekan Institut Pengajian Siswazah, Prof. Datuk Ts. Dr. Mimi Sakinah Abdul Munain dan Pengarah International Student Management Services Education Malaysia Global Services (EMGS), Ramlian Abd. Aziz.

Tambah Yuserrie, UMP juga komited untuk melahirkan graduan yang cekap dan bersedia untuk bersaing di peringkat global, khususnya dalam bidang kejuruteraan serta teknologi.

"Selain itu, insentif kewangan dan biasiswa yang ditawarkan oleh Kerajaan Libya membolehkan lebih ramai pelajar



UMP sentiasa komited melahirkan graduan yang cekap dan bersedia untuk bersaing di peringkat global. - GAMBAR HIASAN



MOU antara UMP dengan Kedutaan Libya dan PLC bakal memberi manfaat kepada semua pihak yang terlibat.

mengikuti pengajian di UMP. Para pelajar ini bakal menyumbang kepada pembangunan Libya pada masa depan.

"Kerjasama antara Malaysia dan Libya ini bakal meneroka lebih banyak

peluang berkaitan bidang pendidikan tinggi.

"Ia termasuk kolaborasi berkembang kajian dan penyelidikan, pertukaran kepakaran antara pelajar, program

mobiliti serta lain-lain lagi pada masa akan datang," ujarnya.

Dalam pada itu, kerjasama UMP dengan PLC pun bagi mewujudkan kampus satelit pada masa akan datang bagi memanik lebih ramai pelajar antarabangsa menyambung pengajian c di universiti tersebut.

Menurutnya, kolaborasi dengan PLC membolehkan pelajar antarabangsa dan tempatan mengikuti latihan bahasa Inggeris termasuk bagi perbadanan Malaysian University English Test (MUET) dan International English Language Testing System (IELTS) di PLC. Ujarnya, pihaknya juga sedang giat menyediakan fasiliti dan ruang bagi membolarkan kampus satelit UMP bberapa minggu menjelang Oktober ini.

"Dengan adanya kemudahan ini, ia membolehkan pelajar mengikuti pengajian tanpa ke perlu UMP. Para penyayang akan merogadakan sesi pembelajaran secara maya," katanya.